

## Category 1: Daily Activities & Routines

1. I wake up at six o'clock in the morning and start my day with a quick stretch and then check my phone.  
**Migigising kung ala sais ning abak, umpisan ke abak kung atyat ke ing katawan ku, lawen ke ing cellphone ku.**
2. That's early. Do you find it hard to wake up that early everyday?  
**Karanun naman. Magkasakit kang migigising neng abak aldo-aldo?**
3. Not really, I've gotten used to it. After that, I head straight to the bathroom to shower.  
**Ali naman, mesane naku. Kaybat, daretsu naku banyu ban mandilu.**
4. I usually tend to take my time in the mornings, especially on weekends.  
**Maralas keng nanamnaman ing oras ku balang abak, lakwas na neng sabadu, at duminggu.**
5. I don't blame you, I try to be out of the house by 7:30 to avoid being late.  
**E daka sisyan, panga alas syete y medya ning abak mamako naku ban e ku matawli king mumuna kung klasi.**
6. That's smart, I'm often rushing, Do you eat before you leave?  
**Masanting ya ita. Yaku kasi maralas kung mamaligwa, mamangan ka neng bayu ka mako?**
7. Yes, my mom prepares rice, eggs and hot chocolate while we're getting ready.  
**Wa, magsadya ya i ima kung nasi, ebun ampong batirul kabang gagayak kami.**
8. That sounds nice. My mornings are a bit more chaotic, sometimes I skip breakfast entirely.  
**Masanting yang daramdaman ita, deng abak kunaman medyu magulu la, nengkayi, e naku mamangan almusal.**
9. My older sister and I eat together before heading out.  
**Ing atsi ku ampo yaku, sabe kaming mamangan bayu kami mako bale.**
10. That must be comforting. I walk to school with my older brother.  
**Makapasno ita. Lalakaran miyang koya ku ing papunta eskuwela.**
11. Same here! It's nice having someone to walk with, especially in the morning  
**Parewu tamu, nang kasanting istung atin kang abe maglakad, lalu na neng abak.**
12. Agreed, once I'm at school, it's the usual schedule: English, Math, Science, and PE.  
**Wapen, istung atsu naku eskuwela, parewu yamu ing iskedyul: inglis, math ampo PE.**

13. Mine too. And after classes, I go home, rest, then start reviewing and doing assignments.  
**Yaku man, kayi kayari naning klasi ku, muli naku ban magpaynawa, kayari nanita magrebyu ku kayi gawan ko deng katuldwanan ku.**
14. You're disciplined. I try to study too, but sometimes I get distracted.  
**Madisiplina ka, susubukan ku naman magaral, pero malilibang ku.**
15. I get that. After studying, I help my mom with dinner.  
**Ikwa daka keta, kayari manigalar. Sosopan ke i ma ku keng apunan**
16. In our house, we all eat together  
**Keng bale mi naman, sabe-sabe kamin ngan mamangan.**
17. Same with us. It's one of my favorite parts of the day.  
**Parewu kekami, ini ing metung a peka paburitu kung keng aldo.**
18. And after dinner? Do you have free time?  
**Kaybat apunan? Atin ka pang oras para kekang sarili?**
19. A bit, I read, watch, or play games with friends online.  
**Ditak. mamasa kung libru, manalbe, o malyalung ku kayabe deng kaluguran ku online.**
20. That is a good day. I might try setting up a routine like yours.  
**Masanting ya ing aldo mu ah, subukan keng tukyan ing rutina mu.**

## Category 2: Greetings and Introductions

1. Good morning! I'm [name]. It's really great to meet you here at this community event.  
**Mayap a abak! Aku y [name]. Makuswelu kung mikit-ikit tamu kening kekatang balayan.**
2. Good morning! Nice to meet you too. Are you new around here?  
**Mayap a abak! Matula kung akilala daka. Bayu ka ba keni?**
3. Yeah, I just moved into the neighborhood recently. I figured I should start introducing myself to the people I'll probably see often.  
**Wa, kalilipat ku pa mu keting kasumangid bale. Aisip kung dapat magumpisa kung magpakilala kareng taung maralas ku kanyang akakit.**
4. That's a great idea. People around here are pretty nice.  
**Masanting yang ideya yan. Deng tau keti maganaka la.**

5. I always try to smile, make eye contact, and ask how someone's day has been when I meet them for the first time.  
**Susubukan kung tumiman, lumawe karing mata da, ampon mangutang nung makananu ya ing aldo ning metung a tau nung akit ke keng mumunang basis.**
6. And politely greeting someone always feels nice, like saying "Good afternoon" when they walk into a room.  
**At ing magalang a pamanatu keng metung a tau, kalupa ning pamangamanung "Mayap a gatpanapun" potang lulub la keng kwartu.**
7. Same here! When I have guests over, I make sure to welcome them at the door and offer them something to drink or eat.  
**Gyang aku! Nung atin kung bisita, sisiguraduan kung saganan ku la keng pasbul at dinan kung nanu mang inuman o kanan.**
8. That's good. I do the same. I also make it a habit to say "thank you" after meeting someone.  
**Masanting yan. Makanyan ku naman gagawan. Abse ke mu naman ing "salamat" kaybat keng akilala ing metung a tau.**
9. True, especially in more formal situations, like meetings. Do you use formal greetings too?  
**Tutu pin, lakwas na kareng mas pormal a sitwasyun, kalupa da reng pamitipun. Gagamit ka namang pormal a pamag mananu?**
10. Yes. In professional settings, I prefer saying things like "Good morning, Sir" or "Good afternoon, Ma'am.". **Wa. King propesyunal a lugal, mas buri kung sasabyan ing "Mayap a abak, Sir' o kaya naman "Mayap a gatpanapun, Ma'am."**
11. It really does. When I introduce myself in a meeting, I clearly say my name and briefly explain my role or why I'm there.  
**Tutu pin. Potang magpakilala ku keng metung a pamitipun, malino kung sasabyan ing lagyu ku ampon pamalino ku ing kanakung tungkulan o bakit atyu ku karin.**
12. And at school, I always made sure to greet my teachers every morning. It was my way of showing respect.  
**At king eskwela naman, maralas ku lang atwan deng mestra ku balang abak. Iti ing paralan ku para ipakit ing respetu.**
13. That's great! And what do you do if you forget someone's name after meeting them?  
**Masanting ita! At nanu ing gagawan mu nung akalingwan me ing lagyu ning metung a tau kaybat meng akatagmu?**

14. Honestly? I just ask again politely. Then I really try to remember it next time.  
**Ing tutu mu? Kutnangan ku la mung pasibayu. Kaybat subukan kung ganakan keng tutuking panaun.**
15. I sometimes introduce my friends to one another at events to help them feel more comfortable. Do you do that too?  
**Misan pakilala ku la reng kakaluguran ku keng metung at metung kareng pamitipun ban lakws lang maging komportabl. Gagawan mu naman ita?**
16. Yes. And if the introduction goes well, I usually exchange phone numbers or social media handles to stay in touch.  
**Wa. At nung masalese ing pamipakilala, keraklan mililibe keng numeru ning teleponu o social media handles ban manatili kung makipag-ugnayan.**
17. That's nice! By the way, when you greet older people in your family, do you do anything different?  
**Mayap yan! Kayi pala, neng manatu ka kareng matwa keng pamilya mu, atin kang gagawang aliwa?**
18. Yeah, I was taught to bow a little or nod when greeting elders, especially at reunions or during the holidays.  
**Wa, tiru da kung dukung ditak o siklod neng mamye galang kareng makatua, lalu na kareng reunion o neng holidays.**
19. Me too. It's a simple way to show respect. I also always greet my friends' parents when I visit them.  
**Aku man. Metung yang simpleng bage ban plato ing respetu. Parati ku la namang kukomustan reng pengari da reng kakaluguran ku neng mamasyal ku karela.**
20. I enjoyed talking to you. Welcome to the neighborhood!  
**Masaya kung makitalamitam keka. Malaus ka keti king balayan!**

### Category 3: Family and Relationships

1. My family's really close with one another. No matter how busy we get, we always make time to have dinner together.  
**Ing pamilya ku malapit kami king metung at metung. Agyang atin kami ngan gagawan, siguraduan ming atin kaming oras ban abe-abe kaming mangan apunan.**
2. We're like that too. No matter how chaotic the day gets, we all sit down and talk over dinner.  
**Ikami mu naman. Agyang makananu ya kagulu ing aldo, lukluk kami ngan at mangamanu kabang mamangan apunan.**
3. I have two brothers and a sister, we fight sometimes but when something serious comes up, we help each

other.

**Atin kung adwang kapatad a lalaki at metung a babai, mipapate kami misan dapot potang atin linwal a seryusung bage, saupan mi ya ing balang metung.**

4. Same here. I have three siblings, and we bicker sometimes. But when it matters, we always show up for one another.  
**Gyang aku. Atin kung atlung kapatad at mipapate kami misan. Dapot nung ating importanti, parati kaming atyu para keng balang metung.**
5. And my parents, they've been married for over twenty years and they're still so sweet. They still go on movie dates.  
**At deng pengari ku, miyasawa nalang dakal a banwa at angga man ngeni mikalugud la pa. Mag-movie date la pa rin.**
6. For me, weekends are my favorite. We visit my grandparents, and the whole family gathers. There's always food, laughter, and stories.  
**Para kaku, ing weekend ing paborito ku. Papasyalan mi la reng apu ku, at mitipun la reng buung pamilya mi. Menasa atin pamangan, tula, ampon kwentuan.**
7. Oh, same! Our gatherings are loud but fun. Some of the funniest stories come out then.  
**Oh, parehu tamu! Deng pamitipun mi masigla dapot masaya. Deng mapilan kareng makatulang istorya lulwal la kanita.**
8. There's nothing better than reliving those old memories and laughing all night.  
**Ala nang masanting pa nung ganakan itang panaung milabas at mipapangayli keng mabilug a bengi.**
9. I grew up really close to my cousins. We were like siblings sharing secrets, playing games, and celebrating birthdays together.  
**Meragul kung malapit kareng pisan ku. Kalupa ming mikakapatad a mipamuklat sikretu, mamialung, at miyabe-abe pagselebran ing aldo ning kebaitan.**
10. We are like that too. My cousins and I have a bond that feels more like best friends than relatives.  
**Ikami naman mu makanyan kami. Deng pinsan ku ampong aku atin kaming pamiyabe a anting mikakaluguran kami kesa keng kamag-anak.**
11. Whenever I'm feeling down or unsure, I go to my mom. Her advice always helps me feel better.  
**Neng atin kung panamdaman a malungkut o e ku siguradu, pupuntalan ke i ima ku. Ing kayang payul parati yang makasaup kanaku ban sumanting ing pakiramdam ku.**
12. Same here. My mom's words are always what I need to hear. It's like she just knows.  
**Gyang aku. Deng amanu nang ima ku parati lang kailangan kung damdaman. Balamu balu na.**

13. We always try to keep in touch with relatives who live far. Even a short call means a lot.  
**Parati ming sisikapan a makipag-ugnayan kareng kamag-anak a marayu. Agyang makuyad mung awus dakal ya kabaldugan.**
14. That's a great habit. We always do video calls to keep the bond strong.  
**Masanting a galo ita. Maralas kaming makipag-video call ban manatili ing pamiyabe mi.**
15. My dad's one of my role models. He's taught me a lot about hard work and being humble.  
**I tatang ku metung ya kareng role model ku. Dakal ya tiru kaku tungkul keng pamagsumikap at pamagkumbaba.**
16. Mine too. His life lessons have stuck with me, especially about being kind and responsible.  
**Ing kanaku mu rin. Deng aral na keng bie menatili la kaku, lalu na patungkul ban maging maganaka ampon responsabli.**
17. When I'm super stressed, my older sister always notices. She won't say much—she just makes me tea or something.  
**Potang sobrang stress ku, ing atsi ku maralas nang apansinan. E ya mu magsalita, gawa naku mung tsa o nanu man.**
18. My older brother's the same. He'll just sit with me quietly when I need it.  
**Makanyan ya naman ing koya ku. Tahimik ya mung lukluk king siping ku nung kailangan ku.**
19. I honestly think my family's shaped a big part of who I am—how I treat others, how I handle problems.  
**Ing tutu man ing pamilya ku ing meging maragul a parte nung ninu ku ngeni, nung makananu kung pakiyabayan deng aliwa, at nung makananu kung resolban ing problema.**
20. Even if we don't always agree, I know I can rely on them.  
**Agyang ali kami maralas mikakasundu, balu ku agyu ku lang asahan.**

## Category 4: Weather and Environment

1. It's sunny and warm today. Perfect for biking or a picnic.  
**Masala at mapali ing aldo ngeni. Perpektu para keng pamagbisikleta o piknik.**
2. Yeah, great weather to be outside and have fun.  
**Wa, masanting ing panaun ban lumwal at magsaya.**
3. I always carry an umbrella during the rainy season because sudden downpours are very common in our area.  
**Maralas kung magdalang payung nung mauran ing panaun uling ing biglang uran karaniwan ya mu keng lugar mi.**

4. When it rains hard, we just stay in and watch the raindrops on the roof.  
**Neng masikan ing uran, manatili kami mu kilub at manalbe kareng patak ning uran keng bubungan.**
5. The wind last night was strong, it broke some tree branches!  
**Masikan ing angin nabengi, mesira la ding mapilan a sanga ning dutung!**
6. Ours too! Leaves were everywhere on the street.  
**Kekami rin! Deng bulung atyu la keng dalan.**
7. During the dry season, the grass turns brown and everything gets dusty.  
**Neng panaun ning kaleldo, ing dikut maging kayumanggi la ampo ing egana-gana maalikabuk la.**
8. Yeah, with barely any rain, even the soil looks tired.  
**Wa, anyang ditak mu ing uran, adyang ing gabun lupa yang mapagal.**
9. Yesterday, we had a thunderstorm. There was loud thunder and flashing lights throughout the night.  
**Napun, ating bagyu. Atin masikan a duldul ampo kildap keng mabilug a bengi.**
10. I know! The sky looked scary but kind of amazing too.  
**Balu ku! Ing banua makatakut ya pero metung yang bage a makapagmulala.**
11. I like how the air feels cooler every morning.  
**Buri ku nung makananu yang mas marimla ing angin balang abak.**
12. Especially when the sun hasn't risen fully yet, it's refreshing.  
**Lakwas na nung e pa matas ing aldo, presku ya.**
13. At home, we recycle bottles and paper to help the environment.  
**King bale, magrecycle kaming bote ampong papel ban makasaup king kapaligiran.**
14. Us too. Little things really make a big difference.  
**I kami man. Deng mangalating bage atin lang maragul a epektu.**
15. People here plant trees on Labor Day, it helps with climate change.  
**Deng tau keni mananam lang dutung neng Labor Day, makasaup ya keng climate change.**
16. That's great. Trees also give shade, which we really need.  
**Masanting yan. Ing dutung mamiye lang salilungan, a kailangan tamu tagana.**
17. Pollution from cars and factories fills the air with harmful gases.  
**Ing polusyun ibat kareng saken ampo pabrika kakatmuan ne ing angin ning makapinsalang gas.**

18. It gets worse in big cities. It's harder to breathe sometimes.  
**Mas malala ya kareng mangaragul a balen. Mas masakit mangisnawa minsan.**
19. Earthquakes are rare here, but we still practice safety drills.  
**Malagad mu ing mamayun keni, pero magsane kaming safety drills.**
20. We always pick up trash to help take care of the environment.  
**Maralas kaming mamulut basura ban makasaup keng pamaglingap keng kapaligiran.**

## Category 5: Food and Dining Every morning,

1. Every morning, I eat rice, fried egg, and hot chocolate for breakfast.  
**Balang abak, mamangan kung nasi, pritung ebun, ampo mapaling tsokolati para keng almusal.**
2. For lunch, I usually bring food from home like adobo and veggies.  
**King pagtuan, maralas kung magdalang bakal ibat king bale kalupa ning arobu ampong gule.**
3. Me too. My mother always prepares packed meals for me.  
**Aku rin. I ima ku parati yang magsadiang bakal para kaku.**
4. On Fridays, my family eats out at our favorite restaurant to relax after a long week.  
**Balang Byernis, ing pamilya ku mamangan kami king paboritu ming pipanganan para makapag-paynawa kayari ni makabang paruminggu.**
5. That sounds fun. We do the same thing, especially after work gets stressful.  
**Masaya ya ita. Makanyan mu naman ing gagawan mi, lalu na nung maging stressful ing obra.**
6. During special occasions, we cook lechon, pancit, and kare-kare.  
**Kareng espesyal a okasyon, magluta kaming lechon, pancit, ampong kare-kare.**
7. Sometimes, I try out new recipes like pasta and sushi. It's fun experimenting.  
**Misan, susubukan ku la deng bayung recipe kalupa ning pasta ampo sushi. Masaya ing mag experiment.**
8. I've been doing that too. I recently learned how to make ramen.  
**Gagawan ku naman ita. Bayu ku pa mu abalu nung makananu yang gawan ing ramen.**
9. And when we're out in the afternoon, I always go for street food—fish balls, kwek-kwek, or isaw.  
**At potang lulwal kami neng gatpanapun, pane kung pupunta kareng street food kalupa ning fish balls, kwek-kwek, o isaw.**
10. Me too! They're cheap, tasty, and remind me of high school.  
**Aku man. Mura la, manyaman la, at magpaganaka la kaku keng high school.**



11. My mom taught me how to cook sinigang. I love eating it on rainy days.  
**Tiru na kung ma ku nung makananu maglutung sigang. Buri kung kakanan iti neng mauran.**
12. Nothing beats a warm bowl of sinigang when it's gloomy out.  
**Alang maka agwanta keng pali ning silyo ning sigang potang makulimlim ya ing kilwal.**
13. We always keep fruits like mangoes and bananas for dessert.  
**Maralas kaming magnipun prutas kalupa da reng mangga ampo sagin anting pagmayumu.**
14. Yeah, we stock up too. It's a healthy alternative.  
**Wa, mag stock kami naman. Metung yang masustansyang alternatibu.**
15. On weekends, my siblings and I bake cookies and cakes. The house smells amazing.  
**Neng sabadu-duminggu, aku ampo reng kapatad ku maglutu kaming cookies ampo cakes. Manyaman ing bawu ning bale.**
16. In our home, we usually bake brownies and eat them fresh from the oven.  
**Keng bale mi, maralas kaming maglutu brownies ampo kakanan mi lang bayu ibat keng oven.**
17. I drink a lot of water everyday to stay healthy.  
**Miminum kung dakal a danum aldo-aldo ban manatili kung masikan.**
18. That's a good habit! I try to skip soft drinks too.  
**Mayap a gawi yan! Susubukan ku naman pangilagan ing soft drinks.**
19. We go to the market a lot for fresh veggies, meat, and seafood.  
**Maralas kaming pupunta palengki para kareng sagiwang gule, karni, ampo seafood.**
20. Us too. Nothing beats fresh ingredients when cooking.  
**I kami mu rin. Ala nang masanting pa kareng sagiwang sangkap neng maglutu.**

## Category 6: Travel and Transportation

1. Every morning, I ride the jeepney to school. I always leave early to avoid traffic.  
**Balang abak, sake kung dyip papunta eskwela. Parati kung mamako maranun ban pangilagan ing traffic.**
2. Same here. I've learned to leave earlier or I'll end up late.  
**Diyang aku. Mebyasa kung mako mas maranun o mitauli ku.**
3. We planned our family vacation months ago, booked our flights and hotel early.

**Megplanu kami keng bakasyon ning pamilya mi anyang milabas a bulan, meg-book kaming flights ampo hotel maranun.**

4. Nice! We did that too last summer. It saved us a lot of stress.  
**Mayap yan! Gewa mi ya naman ita keng milabas a summer. Mekaligtas kami keng dakal a stress.**
5. I usually just walk to the grocery store. It's cheaper than driving.  
**Maralas maglakad ku mu papunta keng grocery. Mas mura ya kesa keng magmaneho.**
6. That's what I do when I'm not in a rush. Good for the environment too.  
**Oyta ing gagawan ku potang e ku mamalagwa. Masanting mu naman para keng kapaligiran.**
7. When it rains, my dad drives me to school since the streets get slippery  
**Neng mauran, i tatang ku ing magdala kanaku keng eskwela uling matalusad la reng dalan**
8. My dad does that too. Commuting during bad weather is sometimes dangerous.  
**Ing kanakung tatang gagawan na naman ita. Ing pamagkomyut nung e masanting ing panaun neng misan delikadu ya.**
9. When we travel to other cities, we usually take the train. It's fast and has a scenic view.  
**Nung munta kami kareng aliwang balen, maralas kaming sasake keng tren. Mabilis ya at atin yang masanting a babatyawan.**
10. Same here. I love watching the countryside through the window.  
**Diyang aku. Buri kung lalawen ing marangle keng awang.**
11. I bike around our village. It's fun and helps me stay active.  
**Magbisikleta ku keng baryu mi. Masaya yang aktibidad at makasaup ya kanaku ban maging aktibo.**
12. I like biking too. It gets me moving while getting things done.  
**Buri ku naman ing magbisikleta. Iti ing magpakimut kanaku kabang gagawan ku ing bage-bage.**
13. We always wear seatbelts in the car and helmets on the motorbike.  
**Maralas kaming maka seatbelt keng saken ampo helmet keng motor.**
14. Safety first, always. Even short rides can be risky.  
**Ing kaligtasan mumuna, parati. Agyang makuyad a pamaglakbe malyari yang maging mapanganib.**

15. Flying is fun, especially the first time. Looking out the window feels amazing.  
**Ing pamanyulagpo masaya ya, lalu na keng mumunang basis. Ing pamag batyo keng awang makapagmulala ya.**
16. Yes! I was only looking at the window the first time I flew.  
**Wa! Makalawe ku mu keng awang inyang mumunang basis kung sinulapo.**
17. Tricycles are super useful for travelling to nearby places.  
**Magagamit la reng tricycle keng pamaglakbe kareng malapit a lugar.**
18. Yeah, especially in places with limited transport options.  
**Wa, lalu na kareng lugal a limitadu ing transportasyon.**
19. At night, we drive slowly, keep our headlights on, and stay alert.  
**Neng bengi, mabagal kaming magmaneho, makabuklat la reng sulu mi, at manatili kaming alertu.**
20. Better safe than sorry. Night driving can be tricky.  
**Mas masanting ing ligtas kesa keng magsisi. Ing pamagmaneho neng bengi malyari yang maging masakit.**

## Category 7: Shopping, Money, Transaction

1. I went shopping yesterday, but everything was so expensive.  
**Megshopping ku napun, oneng asna kamal ngan.**
2. Did you try asking for a discount?  
**Asubukan mu nang mengutang bawa?**
3. Yeah, I asked, "Can you give me a discount if I buy a lot?"  
**Wa, sabi ku, "pweding dinan bawa nung marakal ku salwan?"**
4. They said the prices were already final.  
**Sinabi da apin na ita ing presyu.**
5. That's frustrating. I usually check prices online before buying.  
**Kasakit na, parati ku kasing lalawe presyu online bayu sali.**
6. Same here. Sometimes online is even cheaper than stores.  
**Yaku rin. Misan mas mura pa online kesa pisalwanan.**
7. True. Do they at least accept gcash?  
**Tutu. Tatanggap la namang gcash?**

8. Yes, they accept both gcash and credit cards.  
**Wa, tanggap lang gcash ampon credit cards.**
9. That's good. One time, I forgot my wallet so couldn't pay at the counter.  
**Awa, misan akalingwan ke ing pitaka ku anya e ku mekapamayad counter.**
10. Oh no! Did they let you return later to pay?  
**Aru! Peburen daka ban mamabayad kabalik?**
11. Yeah, but it was embarrassing. Better safe than sorry.  
**Wa, oneng makarine. Mas masanting ing ligtas kesa keng magsisi.**
12. Have you ever been charged twice for the same item?  
**Mekataadwa ka mesingil keng metung a bage?**
13. Yes! It happened to me last month, I had to ask for a refund.  
**Wa! Yaku mu naman anyang milabas a bulan, mengutang kung refund.**
14. Refunds can take so long, though.  
**Kalambat da reng refund e.**
15. That's why I prefer using cash when possible.  
**Inya pin mas buri kung gumamit cash patse malyari.**
16. But if you use a loyalty card, you get points for every purchase.  
**Patse atin kang loyalty card, mamye lang puntos ustung sali ka.**
17. That's true. I actually saved up enough points to get a free item.  
**Tutu. Menipun kung puntos para keng libri.**
18. Lucky you! Last time, I spent almost half my paycheck on gadgets.  
**Maswerti ka! Kanita, apitna ke ing sweldu ku kareng gadyet.**
19. I'm trying to stick to a budget this month so that doesn't happen again.  
**Susubukan ku ping mamadyet ngeni oneng e na milyari.**
20. Same here. Better to plan than run out of money.  
**Makanyan ku naman. Masanting nang magplanu kesa magisan ing pera.**

## Category 8: Small Talk & Social

1. Hey! How have you been?  
**O! Komusta naka?**

2. I've been good, just busy with work.  
**Mayap kumu, okupadu mu keng obra.**
3. Yeah, same here. Have you been going out lately?  
**Awa yaku man. Lilibut ka ata?**
4. Not much, I've mostly stayed at home.  
**E masyadu, atyu kumu maralas bale.**
5. Makes sense. Sometimes it's nice to just relax.  
**Awa, misan mas masanting magrelax.**
6. True! Do you still hang out with our old friends?  
**Tutu! Akayabe mu la pa reng kaluguran ta kanita?**
7. Yes, we meet up every other weekend.  
**Wa, mikit kami balang kadwang duminggu.**
8. That's great! I miss those small gatherings.  
**Awa santing! Amiss kula reng pamitipun.**
9. You should join us next time!  
**Tuki ka keng tutuki!**
10. I'd love to. Do you still go to the same café?  
**Buri ke ita. Mumunta ka kareng cafe kanita?**
11. Yes, the one near the park.  
**Wa, itang malapit king park.**
12. I like that place.  
**Buri ku keng lugal ayta.**
13. It's quiet and the coffee's really good.  
**Taimik karin at manyaman ing kape.**
14. Have you tried their new menu yet?  
**Asubukan mu ne ing bayu dang menu?**
15. Not yet, I always order the same thing.  
**Ali pa, metung mu ing oorderan ku keta.**
16. Same here, I never change my order.  
**Yaku rin, e ku maglibe order.**

17. We should go together next week.  
**Lumibut tamu keng tutuking duminggu.**
18. That sounds fun! What day works for you?  
**Kasaya na nita! Nanung aldo ing magsilbi ka?**
19. Saturday would be perfect.  
**Sabadu ing masanting.**
20. Okay, I'll message you the details.  
**Awa, pabalwan daka keng detalye.**

## Category 9: WH Questions

1. How are you?  
**Komusta na ka?**
2. Where do you live?  
**Nokarin ka makatuknang?**
3. Why are you interested in learning Spanish now, after all these years?  
**Ot kaburi mung panigalaran ing Spanish ngeni, kaybat dareng milabas a banwa?**
4. When do you usually feel the most productive—morning or late at night?  
**Kapilan mu araramdaman a masipag ka neng abak o neng bengi na?**
5. Who taught you how to cook such delicious pasta?  
**Ninung menuru keka nung makananung maglutung manyaman a pasta?**
6. What kind of books do you enjoy reading in your free time?  
**Nanung klasing libru ing buri mung babasan istung ala kang gagawan?**
7. Which restaurant do you usually go to when you're craving something spicy?  
**Nokaring pipanganan ing pupuntalan mu neng bisa kang mangang maparas a pamangan?**
8. How do you manage to stay so organized with such a busy schedule?  
**Makananu meng sasamasan ing oras mu ban maging yang masalese agyang okupadu ka iskedyul?**
9. Why didn't you attend the meeting yesterday? Everything okay?  
**Ot ali ka minta keng pamitipun napun? Masalese na ngan?**
10. Where did you grow up, and how was your childhood there?  
**Nokarin ka meragul, ampon makananu ya ing kayanakan mu kanita?**

11. What's your favorite way to unwind after a long, stressful day?  
**Nanung peka buri mung gagawan neng bisa kang mag-relax kaybat na ning makaba at mapagal a aldo?**
12. Who's someone that has inspired you a lot in your life?  
**Ninu ing taung memyeng marakal a inspirasyun king kekang bie?**
13. When did you start learning to play the guitar, and how long did it take?  
**Kapilan ka megumpisang tinukup gitara ampon makananu kalwat bayu ka mebyasa?**
14. Why do you think people struggle with time management so much?  
**Para keka, bakit dakal la reng tau a magkasakit sasamasan ing karelang oras?**
15. How often do you go hiking, and where's your favorite trail?  
**Makananu ka karalas mamunduk ampong nokarin ya ing pekaburi mung dadalanan?**
16. Which movie would you recommend for a fun night watch?  
**Nanung pelikula ing arekomenda mu a masayang alben king bengi?**
17. Who was the last person you talked to before going to sleep last night?  
**Ninu ing taung tauli mung pakisabyan bayu ka matudtud nabengi?**
18. What motivates you to keep pushing through hard days?  
**Nanu la reng bage a magpasikan keka ban akabyusan mu la reng masasakit a aldo?**
19. Where can I find the nearest pharmacy that's still open at this hour?  
**Nokarin ku kaya manakit pekamalapit a botika a makabuklat pa king oras ayni?**
20. When was the last time you tried something completely new?  
**Kapilan ka tauling sinubuk bayung bage?**

## Category 10: Locations, Directions, Motions

1. Are you already at the mall?  
**Atyu naka keng mall?**
2. Not yet, I'm walking from the bus stop now.  
**Ali pa, maglakad ku ibat keng bus stop ngeni.**
3. Which entrance are you going to use?  
**Sanung pasbul ing gagamitan mu?**
4. The one near the food court, it's closer.  
**Ita keng malapit food court, mas malapit ya.**

5. Okay, I'll wait for you at the escalator.  
**Sige, panenayan daka keng escalator.**
6. Are you coming from the north side or south side?  
**Ibat ka keng bandang pangulu o bandang mauli?**
7. From the south side, traffic was bad.  
**Ibat ku keng mauli, malala ya ing trapik.**
8. Do you see the fountain in the center?  
**Akikit me ing fountain keng libutad?**
9. Yes, I'm walking past it now.  
**Wa, limpasan ku ne ngeni.**
10. Turn right after the fountain, the escalator is there.  
**Likoru ka king wanan kaybat ning fountain, atyu ya ing escalator karin.**
11. Got it, I'm heading up now.  
**Ikwa ku ne, mukyut naku kanyan.**
12. Are you on the second floor already?  
**Atsu na ka pin keng kadwang palapag?**
13. Yes, I'm standing near the bookstore.  
**Wa, makatuknang ku malapit keng bookstore.**
14. Okay, I'll walk towards you.  
**Sige, lumakad naku papunta ken.**
15. Can you see me coming from the left side?  
**Akikit mu kung menibat keng kayli?**
16. Not yet, I'm checking the crowd.  
**Ali pa, lalawen kula reng tau.**
17. I'm waving my hand now so you can see me.  
**Pepepe ku ngeni ban akakit mu ku.**
18. There you are! I'll move closer.  
**Ayta pala ika! Lumapit naku.**
19. Let's walk straight to the food court.  
**Lumakad tamu diretsu keng food court.**



20. It's just over to the right.  
**Atyu ya mu keng wanan.**

## Category 11: Commands & Requests

1. Could you pass me the charger on the table? I need to charge my phone right now.  
**Malyari meng pakidwag kanaku ing charger keng lamesa? Kaylangan keng i-charge ing selpon ku ngeni.**
2. Sure, here you go. Let me know if you need anything else.  
**O sige, oini na. Pakisabi mu namu kaku nung atin ka pang kailangan.**
3. Don't forget to lock the door when you leave, especially if no one's home.  
**E me kakalingwang isara ing pasbul kalako mu, lalu na nung alang tau keng bale.**
4. Got it. I'll make sure to lock it. Thanks for the reminder.  
**Uwa, siguraduan kung maka sara ya, salamat keng paganaka**
5. Can you help me carry these bags upstairs? They're a bit heavy for me alone.  
**Malyari mukung sopan ipanik deng bag areni? Milalu la kasi mabayat para kanaku.**
6. No problem. I'll carry some so it's easier for you.  
**Alang problema. Ibwat ko deng aliwa ban mas maligwa keka.**
7. Please email me the report before 5 PM so I can review it before the meeting.  
**Malyari meng i-email ing report kanaku bayu miras alas singku? Bantang a-review ke pa bayu ing pulung.**
8. Sure, I'll send it before then. Hope it helps during the meeting.  
**Awa sige, ibie ke keka bayu ita. Sana makasaup ya keka king pulung.**
9. Wait for me at the entrance—I'll just grab my jacket and be right out.  
**Panayan muku keng arap, kwanan kemu ing jacket ku kayi lumwal nku.**
10. No rush. I'll wait here.  
**E ka mamaligwa, panenayan daka keni**
11. Could you explain what you said again? I didn't really understand what you meant.  
**Malyari meng palino pasibayu ing sinabi mu? Ali ke kasi ikwa nung nanung buri mung sabyan.**

12. Of course. I'll make it clearer this time.

**O sige. Sabyan keng mas malino keka ngeni**

13. Stop scrolling for a moment and listen. I need to tell you something important

**Tuknang kapa mag-scroll tsaka ka makiramdam. Atin kung sabyang maulaga.**

14. Oh, sorry. I'm listening now. What is it?

**Ay, panupaya. Makiramdam naku, nanu ya ing sabyan mu?**

15. Please speak slowly so I can understand. English isn't my first language.

**Malyaring bagalan me ing pamagasalita mu ban antindyan daka, ali ke mumunang lengguwahe ing Inglis.**

16. Ah, got it. I'll slow down, sorry about that.

**Ah, uwa.. Bagalan kuna. Pasensya naka ne.**

17. Remind me to water the plants tomorrow morning, or they'll dry out again.

**Paganaka mu kanaku a tugtugan ko deng tanaman bukas abak, pota langi no naman.**

18. No worries. I'll remind you first thing tomorrow.

**Alang problema. Mumunang sabyan ku keka ita kinabukasan**

19. Just be honest with me. I'd rather hear the truth directly.

**Sabyan mu ing tutu kanaku, mas buri kung damdaman direkta ing tutu.**

20. I respect that. I won't keep anything from you.

**Respetwan ku ita, ala kung sasalikut keka.**

## Category 12: Emotion, Opinion, Affirmation

1. I feel incredibly grateful for all the support during those hard times.

**Pasalamat ku king dakal a suportang tinggap ku kabang daralan kung masakit a panaun.**

2. You handled it well, it really shows.

**Inarap meng masalese, akakit ke.**

3. That movie caught me off guard, I actually cried.

**Ing pelikulang ayta, e ke asahan, ginaga ku pin.**

4. Same here. It was more emotional than I expected.  
**Yaku man, lakwas yang malungkut pala ita keng asahan ku.**
5. It frustrates me when people don't listen before jumping in.  
**Mabubusit ku ustung deng aliwang tau e la makiramdam bayu la salangsang.**
6. I understand. Everyone wants to be heard, but few want to listen.  
**Ayntindyan daka, dakal bisang magsalita pero ditak la mu ding bisang makiramdam.**
7. She's so passionate about helping the environment.  
**Neng ka sigasig keng pamanyaup keng kapaligiran.**
8. I admire that kind of dedication.  
**Tatalangan ke ing dedikasyon na.**
9. I was nervous before the interview, but it went well.  
**Kakarug ku bayu ing interbyu, oneng masalese neman**
10. See? You were more prepared than you thought.  
**Ikit mo? Mas preparadu ka kesa keng inisip mu.**
11. Crowded places really make me anxious.  
**Mababalisa ku tagana kareng mataung lugal.**
12. Then let's stay somewhere quiet, if that helps.  
**Nung makanyan, magdatun tamu keng lugar a taimik, nung makasaup ita.**
13. I'm really proud of how far you've come.  
**Pagmaragul ku nung makananu kalawut ing disan mu.**
14. Thank you, it means a lot coming from you.  
**Dakal a salamat, dakal yang kabaldugan neng ibat ya keka.**
15. The news shocked me, I needed time to process it.  
**Mebigla ku keng balita. Mengaylangan kung oras ban i prosesu ita**
16. Take all the time you need. Processing takes time too.  
**Kwanan mu ngan ing oras a kaylangan mu, ing pagprosesu mangaylangan ya namang oras.**

17. She looked upset but didn't want to talk.  
**Lupa yang buysit oneng e ya bisang makisabi.**
18. Maybe she just needed to be alone.  
**Siguru, kaylangan na pang magdili-dili.**
19. I think everyone deserves another chance.  
**Isip ku balang metung dapat atin la pang pangadwang tsansa.**
20. True. People change, and growth takes time.  
**Tutu, magbayu la deng tau, ampon mangalilangan yang oras ban sumulung.**

## Category 13: Descriptions & Narration

1. I watched the sunset behind the mountains.  
**Inalben ke ing pamag albug naning aldo keng gulut na ning bunduk**
2. That sounds beautiful. I wish I saw it too.  
**Kasanting daramdaman. Sana ikit ke mu naman.**
3. I walked slowly through the gallery. Every painting felt like a story.  
**Mabagal kung linakad pasibayu keng kwartung letratuan. Balang pinta balamu metung yang istorya**
4. I love when art speaks like that.  
**Buri ke istung magsalita ya ing sining nang anti ita.**
5. That house looked abandoned, plants on the walls, dust everywhere.  
**Lupa yang abandunadu ing baleng ayta, atin neng tanaman keng pader, alikabuk gyang nokarin**
6. Like it's been forgotten for years.  
**Balamu mekalingwan yang pilang banwa**
7. Be careful with that glass, it's from my grandmother.  
**Kala-kalake ka keng basung ayan,i bat yapa kang apu ku iyan.**
8. Don't worry, I'll handle it gently.  
**E ka mikakunu. Tatalnan keng masalese.**
9. I found old photos in a box I forgot I had.  
**Ikit ko deng lumang letratung akalingwan kuna.**
10. How deep did the memory hit you?  
**Makananu kalalam naka tiran ning memorya.**

11. When the rain came, I just stood there.  
**Inyang dinatang ne ing uran, tinikdo kumu keta.**
12. That smell always takes me back to my childhood.  
**Ing bawu na ning uran, parati nakung babalik keng kakung kayanakan.**
13. He read the letter out loud.  
**Asna kasikan ing boses na, kabang babasan ne ing sulat.**
14. The must have been tense  
**Mabayat siguru ing panamdaman na nita.**
15. I ran so hard, my legs almost gave up  
**Masalusu kung milayi, ditak namu e dana agyu deng bitis ku.**
16. And you didn't stop. That's grit.  
**Kayi ali ka tinuknang, sikan ning lub ita.**
17. When she sang, my eyes only looked at her.  
**Anyang magkanta ya, ya mu ing ikit naning mata ku.**
18. That's what real presence feels like.  
**Apin yan tutung panamdaman ning tutung prisensya.**
19. I stood at the edge of the stage, nervous but ready  
**Atyu ku king gilid na ning entabladu, mag nerbyus oneng makasadya ku**
20. And you stepped forward anyway.  
**Oneng tinakbang kapa mu rin payarap.**

## Category 14: Casual Conversation

1. I just woke up, did you already eat?  
**Kakagising ku pa, pangan na ka?**
2. I'm thinking of skipping today. You in?  
**Isipan kung lakton ngeni, bisa ka?**
3. I haven't done anything all day. What about you?  
**Ala ku man gewa pepatingapun, ika tin ka?**
4. I saw something that reminded me of you.  
**Atin kung ikit a megpaganaka kanaku keka.**

5. I want to go out. You feel like going somewhere?  
**Bisa kung lumwal. Ika bisa ka naman lumwal?**
6. I forgot what I was going to say to you.  
**Akalingwan ke ing buri kung sabyan ku keka.**
7. I've been so lazy lately. How about you?  
**Nakung katamad ngeni, ika man?**
8. Same here. My bed is winning  
**Yaku man, sasambut ya ing pagkeran ku.**
9. I tried cooking today... it didn't turn out good.  
**Meglutu ku ngeni... ali ya masalese ing keyaryan.**
10. What happened? Did it burn?  
**Nang milyari? Dilukan me?**
11. I miss just talking with you.  
**Paninintunan ku ing maki talamitam keka.**
12. Me too. We should do that soon.  
**Yaku man, gawan taya yan keng misan.**
13. I like days like this  
**Buri ku ing anti ining aldo.**
14. Quiet and simple.  
**Matahimik ampon simpli.**
15. I can't sleep lately. You too?  
**Ali ku mipapatudtud kerakalan, ika man?**
16. Same. My brain's just too loud.  
**Yaku man, asne sigla ing utak ku.**
17. I'm watching a movie right now. What are you watching now?  
**Manalbe kung pelikula ngeni, nanung alben mu ngeni?**
18. I'm rewatching that show you told me about!  
**Alben kent pasibayu itang pelikulang sinabi mu kanaku!**
19. I'm trying not to spend, but I saw something I want.  
**Ali ku bisang gumastus, oneng menakit kung buri ku.**

20. Buy it! Treat yourself.  
**Salwan me!, libri me ing sarili mu.**

## Category 15: Short Phrases

1. How are you today?  
**Komusta na ka ngeni?**
2. I'm doing fine.  
**Mayap naku man.**
3. You're so ugly.  
**Katsura mu.**
4. I'm hungry.  
**Maranup ku.**
5. Where are you?  
**Nokarin ka?**
6. I'm on the way.  
**Atyu ku keng dalan.**
7. What should we talk about?  
**Nanung pisabyan tamu?**
8. I'm sorry.  
**Panupaya**
9. Let's eat.  
**Mangan tana.**
10. The weather is bad.  
**Matsura ing panaun.**
11. Have a good day!  
**Mayap a aldo!**
12. Thank you very much!  
**Dakal a salamat!**
13. You look so beautiful today.  
**Lupa kang malagu ngeni.**
14. Wait a second.  
**Manaya ka saguli.**
15. You're welcome!  
**Alang nanu man!**
16. Just kidding.  
**Biru mu.**

17. I'll call you back later.  
**Awsan da ka pota.**
18. I feel happy today.  
**Masaya ku ngeni.**
19. You always make me smile.  
**Maralas mukung apapakayli.**
20. I just woke up.  
**Kagigising ku pa.**
21. I got a lot to do today.  
**Dakal ku gawan ngening aldo.**
22. Where were you from?  
**Nukarin ka ibat?**
23. Get out of there!  
**Mako naka ken.**
24. What time is it?  
**Nanu nang oras?**
25. Go sit over there.  
**Lukluk naka keta.**
26. Stand up straight.  
**Tikdo kang masalese.**
27. What are you doing  
**Nanu g gagawan mu?**
28. Let's go over there.  
**Munta tamu keta,**
29. That's it.  
**Ita mu.**
30. I love you.  
**Kaluguran daka.**
31. Like no one is worrying about you  
**Balamu alang migaganaka keka**
32. Good morning!  
**Mayap a abak!**
33. Good afternoon!  
**Mayap a gatpanapun!**
34. Good evening!  
**Mayap a bengi!**
35. I'm going down.



**Tipa ku.**

36. I'm going up.

**Manik ku.**

37. I'm going left.

**Mag dane kung kayli**

38. I'm going right.

**Mag dane kung wanan.**

39. Let's go.

**Mako tana.**

40. Can you go faster?

**Lagwa mu.**